



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Confraternitates.

**urn:nbn:de:hbz:466:1-9534**

- 13 Mutandum nomen in melius, si primum non congruit. *ibid.*
- 14 Confirmati frons abstergetur à sacerdote, tum à clerico in sacris lauetur. *ibidem.*
- 15 Pannus chrisimalis, si opus est, potest iterum poni super aliud confirmatum Durand. *in Rat. lib. 6. c. 84. n. 8.*
- 16 Nullus excommunicatus, interdictus, vel grauioribus facinoribus alligatus, aut Christianæ fidei rudimenta non edoctus, accedat ad hoc recipiendum sacramentum Pontif. Rom.
- 17 Patrinus debet esse alius ab eo, qui fuit in Baptismo DD. apud Barbof. *alleg. cit. num. 51.*
- 18 De numero Patronorum dic, vt supra in baptismo cum Tolet. *in sum. lib. 2. cap. 24. num. 11.*
- 19 Non refert, an Patrinus sit maior ætate DD. apud Barb. *n. 39. loco cit.*
- 20 Ne sint Monachi, vel Abbates, *cap. non liceat de consecr. dist. 4.*
- 21 Neque excommunicati, interdicti, facinorosi, aut ignorantes rudimenta fidei Pontif. Rom.
- 22 Sint confirmati. Sylu. *V. Confir. nu. 4.*
- 23 Nullus præsentet nisi vnum, aut duos, non plures. *ibid. & Pont. Rom.*
- 24 Nihil donentur à Patrinis. Prou. 1.
- 25 Describantur confirmati in libro. *ibid.*
- 26 Episcopus exiens per villas, & oppida, vt sacramentum Confirmationis ministret à nemine est procurandus. Decisum refert Barbof. *alleg. cit. nu. 10. oppositum docent Genuens. in Manual. Pastor. capit. 35. num. 16. & Campanil. Rubert. 11. cap. 26 nu. 105.*
- 27 Negligentia Episcopi notabilis in confirmando, mortale peccatum est Sà V. *Confirmatio. n. 12.*
- 28 Reiteratio Confirmationis an inducat irregularitatem; Aiunt. Negant DD. apud Barb. *alleg. n. 28. 29. 30. V. Interdictum, numer. 30. Irregularitas. num. 35. Monialium receptio nu. 36. Sacramenta nu. 3.*
- 29 Episcopus alienus ministrans hoc Sacramentum debet ab Episcopo Diocesano prouideri. Cong. Episc. 15. Maij 1584. & apud Barb. de iure Ecc. lib. 1. c. 11. n. 42.
- 30 Ordinatus ante confirmationem, etiam scienter, non est irregularis. Nau. in Man. *Barth. Gauan. Man.*

c. 22. n. 9. & Barb. de pot. Episc. alleg. 2. nu. 14. contra Maiolum, & alios.

## Confraternitates.

- 1 **V**Na tantum eiusdem generis, siue à Regularibus siue à sæcularibus in singulis locis institui potest Clem. VIII. A. 1604.
- 2 Non licet Regularibus instituire Confraternitates cum vsu sacrorum sine Ordinario loci Congr. Episc. 6. Dec. 1616.
- 3 De consensu Ordinarij instituuntur omnes, qui & statuta probet. Clem. VIII. *supra.*
- 4 Priuilegia, & Indulgentias nominatim concessas communicare licet, non alias, cum recognitione earumdem ab Ordinario per duos de Capitulo Cathedralis Ecclesiæ facienda. *ibid.*
- 5 Exprimantur litteræ aggregationum, seu institutionum gratis. *ibid.*
- 6 Sub pœna priuationis officiorum, & nullitatis actorum. *ibid.*
- 7 Confraternitates sanctissimi Sacramenti, vbique terrarum erectæ, vel erigendæ absque noua concessione, communicatione, vel aggregatione participes sunt quorumcumque priuilegiorum, concessionum, indulgentiarum, & gratiarum Archiconfraternitati de Minerua concessorum, & concedendorum, statim, ac earumdem erectio Apostolica, vel auctoritate ordinaria facta fuerit. Congr. Indulg. 15. Febr. 1608.\*
- 8 Facultates concessæ Dominicanis pro societate Rosarij, locum non habent in societatibus eiusdem, extra eorum Ecclesias. Cong. Episc. 13. Maij 1603.
- 9 Vnicuique Confratriæ præficiatur idoneus sacerdos. Prou. 6.
- 10 Officiales quotannis eligantur, & cum sacris suffragijs. Congregat. Episc. 18. Julij 1594.
- 11 Electio Officialium ad confratres, confirmatio ad Episcopum spectat, exceptis ijs, quæ sub immediate Regum potestate existunt. eadem 11. Aug. 1617.
- 12 Fiat præsentè Parocho, vel alio Sacerdote deputato ab Episcopo, nisi aliud Episc. videatur. Prou. 5.
- 13 Nihil inde emolumentum accipiatur, neque Officiales ipsi eligant successores.

E 3 res,

- res Congreg. Episcop. 24. Apr. 1584.
- 14 Electione Officialium prorogata, sine Ordinarij licentia, acta omnia sint deinceps nulla. Prou. 7.
  - 15 Ne admittantur in ijs, qui doctrinam ignorent Christianam. Prou. 5.
  - 16 Neque homines facinorosi, turpis vitæ, aut infamiae labe notati, *ibid.*
  - 17 Qui adscripti & moniti non se emendant, amoveantur, *ibid.*
  - 18 Amictus ne detur alicui, nisi præfente Parocho, vel alio Sacerdote, qui amictum stata prece benedicat, *ibid.*
  - 19 Neque amictum domi aut alibi, quam in schola afferuet, & confratris dimittatur, quocumque casu ille recedat, *ibid.*
  - 20 Arma ne quis gerat vnâ cum sacroamictu, *ibid.*
  - 21 In Oratorijs Confratrum ne retineatur Eucharistiæ sacramentum Congr. Episc. 21. Martij 1594.
  - 22 Si concedatur ibi seruari Eucharistiam, Sacerdos ibi ab Ordinario approbatus resideat. Prou. 7.
  - 23 Neque exponatur oratio 40. horarum sine licentia Episcopi Congregat. Episc. 20. August. 1601.
  - 24 Prohibetur item processio sanctissimi Sacramenti, Prou. 7.
  - 25 In Dominicis, & festis diebus Missæ sacrificium ne fiat ibi, nisi tempore, & hora ab Ordinario præscribenda, *ibid.*
  - 26 Feria V. & Sabbato sancto ne ibi Missa celebretur, neque cuiquam, ne ipsis quidem confratribus à Dominica Palmatum, vsque ad Dominicam in Albis inclusiue Eucharistiam ministrare liceat, *ibidem.*
  - 27 Neque in Natiuitate Domini, Ascensione, Pentecoste, Assumpt. B. V. & omnium sanctorum Festo, *ibid.*
  - 28 Nullæ benedictiones ibi fiant candelarum, ramorum, ouorum, & frugum, sub pena sacerdoti benedicenti suspensionis à diuinis eo ipso: confratribus autem arbitrio Episcopi, *ibid.*
  - 29 Officium B. V. tantum, & sub missa voce recitent, non autem cantent, *ibid.*
  - 30 Vesperas eodem modo. *ibid.*
  - 31 Officia recitent, vel ante, vel post officia Cathedralis, & Parochialis Ecclesiæ, neque impediant Doctrinam Christianam, Prou. 5.
  - 32 Non benedictionem, neque thurificationem sibi inuicem, vel alijs impartiantur. Prou. 4.
  - 33 Confessarij quicumque eligendi approbentur à superioribus, & Ordinario: & absolueri possunt iuxta priuilegia Confraternitatum, quatenus sunt in vsu, & non aduersantur Trid. Conc. neque constitutionibus Pontificiis Clemens VIII. *vbi supra.*
  - 34 Non à casibus Bullæ Cornæ, nec à reseruatis Papæ, vel Ordinario loci: neque ab excommunicatione lata ab homine, neque in irregularitate dispensari possunt. *ibid.*
  - 35 Eleemosynæ colligi debent ad præscriptum Ordinarij, remotis pelubus, & mensis, *ibid.*
  - 36 Neque liceat sine licentia Episcopi queritare eleemosynam. Prou. 5.
  - 37 Oneribus satisfaciant, aut in propria Parochiali, aut in Ecclesijs intra eius Parochiæ fines ab Episcopo designatis, nisi testatores aliud statuerint. Prou. 7.
  - 38 Anniuersaria, & quæ septimo, vel trigesimo die fiunt officia, in Parochialibus fiant, nisi habeant ius sepulturæ. *ibidem.*
  - 39 Et tum Parocho quoque præfente qui officium peragat, & quando scilicet ibi cadauer est sepultum. *ibid.*
  - 40 Duplicata eo casu detur Parocho eleemosina, *ibid.*
  - 41 Parochus, intra cuius fines est Ecclesia Confraternitatis, debet adesse funeribus, quæ fiunt in dicta Ecclesia, & idem debet cantare Missas solemnes, alioquin cantet capellanus, Cong. Episc. 20. Aug. 1601. V. Parochorum munera n. 21.
  - 42 Ne inuicent confratrem tacite, vel expresse, vt sibi eligat sepulturam in eorum Ecclesijs, in quibus est ius sepulturæ, sub pena excommunicationis late sententia. Prou. 7.
  - 43 Et quidquid inde detrimenti ceperit Ecclesia parochialis, seu alia, cui sepeliendi ius competeat, totum resarciant, *ibidem.*
  - 44 Neque possint associare finem vllum, nisi, qui obijcit vnus sit ex ipsis, vel facultatem in scriptis obtinuerit ab Ordinario: quibus casibus nihil consequantur. *ibid. & sequa n. 29.*

- 45 Psalmodia ad mortuorum corpora, thurificatio, aqua aspersio laicis confratribus ne permittatur, *ibid.*
- 46 Sepultura nemini in eorum Oratorijs, Ecclesijs concedatur, nisi Episcopo constet, id eis licere; vbi verò ius sepulturae concessum est confratribus, nemini alii, neque iure electionis; sed neque ipsis quidem confratribus; nisi per sex menses ante obitum sint adscripti. Prouinc. 5.
- 47 Ad solemnes cleri processiones accedant, Prou. 2.
- 48 Fiat processio quotannis ab omnibus simul Confratris in Ciuitate, in Diocesi verò in proprijs locis, sumpta ab iisdem sacra communionem, in gratiarum actionem de dono indulgentiae concessa à Sede Apostolica. Prou. 3.
- 49 Dignior locus detur antiquiori confratriae, quae habitum prius assumpserit de Episcopi, aut Papae facultate, & solita fuerit antea obire supplicationes, licet tempore sit inferior, & minoribus gaudeat priuilegijs. Prou. 6.
- 50 Cum processiones agunt, sacerdotem secum habeant. Prou. 5.
- 51 Neque Crucem, quae per clericos praeferi solet, deferant, sed imaginem Crucifixi, & sanctorum. Prou. 7.
- 52 Noctu ne obeant ipsi processiones sine licentia Episcopi, & cum certis regulis. Prou. 6.  
*V. Indulgentia n. 14. In patronatus, n. 36. Monialium Ecclesiarum, num. 15. Praecedentia, n. 2, 3. Processio n. 13, 40. Seminarium clericorum n. 33. Visitatio Episcopi n. 4, 23, 24, 25, 42.*
- 53 Confraternitati Rosarii non competit praecedentia super alias, quae ante illam habent habitum, Congreg. Rituum 9. Decemb. 1617.
- 54 Idem dic de Confraternitate Corporis Christi in processione eiusdem. eadem 30. Sept. 1628.
- 55 Non possunt Confraternitates in suis Ecclesijs per suos Capellanos facere, solemner celebrare, confessiones audire, sepelire, Sacramenta ministrare, & similia, quae ad solum Parochum spectant, sine licentia ordinarij, & Parochi. eadem 18. Maii 1602. 14. Ianuar. 1612.

## Conseruatores.

- 1 Litterae Conseruatoriae non suffragantur ad hoc, vt coram suo quique Ordinario in criminalibus, & mixtis causis non possit accusari, & contra eum inquiri, &c. Trident. sess. 14. cap. 5.
- 2 In ciuilibus etiam causis, si ipse actor fuerit aliquem trahere in iudicium, ei non licet apud suos Conseruatores iudices. *ibid.*
- 3 Litterarum Conseruatoriarum beneficium vltra quinquennium non valet. *ibidem.*
- 4 Et durante quinquennio mutari non possunt, nisi ex causa legitima Greg. XV. A. 1621.\*
- 5 Expirat etiam officium morte conceditis, nisi negotia sint incepta, DD. apud Barbof. alleg. 106. n. 50.
- 6 Vicarij Generalis non possunt esse Conseruatores. DD. apud Barbof. *ibid.* n. 13. Affirmant alij posse, *ibid.*
- 7 Neque priores, seu Guardiani, aut alij Regulares, Cong. Episc. 6. Oct. 1617. apud Barb. sup. n. 15.
- 8 Debent autem esse Iudices electi in Prouinciali, vel Diocesana Synodo Gregor. XV. sup.
- 9 Alioquin per annum coram Ordinario cognoscantur causae. *ibid.*
- 10 Electio facta exhibeatur Ordinario infra duos menses, alias coram eo agantur causae. *ibid.*
- 11 Non possunt deputare Subconseruatores. DD. apud Barb. sup. n. 4.
- 12 Neque habent iurisdictionem, nisi in casibus, \* in quibus Regulares sunt rei; neque extra ciuitate, aut Dioceses, in quibus deputantur. Greg. XV. supra.
- 13 Non tamen sublata est facultas, quam habent Conseruatores defendendi Regulares à manifestis iniurijs, ac violentijs dummodo obseruent formam praescriptam in constitutionibus, Innoc. I V. & Bonifacii VIII. relatis in cap. 1. & fin. de offic. deleg. in 6. declar. Congr. Conc. edita Anno 1624.\*
- 14 Constitutio Gregor. XV. de Conseruatoribus non afficit Religionem Ierosolymitanam; nisi quoad Iudices Conseruatores, eidemque Religioni adhuc ius eiusmodi Iudices Conserua-